



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

23 A Georg Ritter vnd grosser Marterer.

urn:nbn:de:hbz:466:1-41449

schlagen/ hat in solcher pein iren Geiſt mit Gebett auff-
geben.

Item der H. Jungfrauen Sporune.

Item der Geburtstag deß heyligen Wolffelmi / Anno Dñi
Abts zu Bruwiler/ Sancti Benedicti Videns in Colner 1100.
Biſthumb.

Item deß H. Theodori Abts Siccorum.

A ix. Calendas Maij.

Der XXIII. tag im April.

In Perſien / inn der Statt Dioſpoli / iſt heut der
Tag deß leydens deß heyligen Edlen Marterers
vnnnd ſtrengen Ritters Georgij / ſo vonn jugende
auff ein Chriſt / vnnnd inn Cappadocia ein Oberſter
Hauptmann deß Kriegsvolcks war. Hat in der Land-
ſchafft Lybia ein Trachen erſtochen / vnnnd den König
mit allem ſeinem Volck zu Chriſto beköhret. Nach dem
aber er ſahe vil Chriſten auß forcht deß Tods vom Glau-
ben abfallen / darumben daß der Kayſer Diocletianus
ſehr wütet / gab er alles ſein Güt den Armen / gieng
frey zu dem Pfleger Daciano / vnnnd ſtraffet ihn vmb
ſein Gottloſigkeit / ward darumb mit Kolben geſchla-
gen / an ein Rahm auffgeheneckt / alle ſeine Glieder mit
Hacken geriffen / ſeine Seyten mit Facklen gebrennt/
ſeine Wunden mit Saltz geriben / darnach wider inns
Gefencknuß gelegt / vnnnd daſelbſt vonn dem H. Eren
wunderbarlich gehaylet vnd geſtereket. In ſeiner grof-
ſen Marter haben ſich beköhret / erſtlich ein Zauberer/
der ihm mit Giffte vergebent wolt / darnach ein Haupt-
mann

Aprilis

Anno Dñi
291.

mann / mit namen Magnentius / sampt allen seinen
Kriegsknechten / welche alle vmb Christi willen enthaupt
seind worden. Nach dem ist S. Georg in ein Bratpfan-
nen vol zerlassens Bley gelegt / auch durch die Statt ge-
schlaiff worden / hat leslich / da er ander vnaußsprechlich
pein vnd plagen vberstanden / seinen ritterlichen Kampff
durch das Schwert volendet. Die Griechen sagen vnnnd
lesen in frem Kalender also: τὸ ἄγιον, ἐνδοξόν, μέγαλο μαρ-
τύριον, τροπαιοφόρον καὶ θαυματουργόν ἑορταζέται. Das ist / zu
Latein: Sancti, gloriosi, magni; martyris, vexilliferi, &
miraculorum operatoris Georgij. Zu Teutsch: Des H.
glorwürdigen / vnnnd grossen Marterers / des Fenderichs
vnd Wunderwürckers Georgij.

Item in der Statt Valens in Frankreich / der H.
marterer Felicis des Püesters / auch Fortunati vnnnd A-
chilles der Diaconen / welche von S. Ireneo Leonischen
Bischoff außgeschickt / den grösten thail gemelter Statt
zum Christlichen Glauben bekört haben / seind von Cor-
nelio dem obersten ins gefencknuß gelegt / darnach lang
geschlagen / ihnen die Schinbain zerbrochen / vnnnd nach
anderer grausamer marter mit dem Schwert enthaupt
worden.

Item zu Prag in Beham der Geburtstag des hey-
ligen / grossen / hochgelobten Bischoffs Adalberti / der
vonn Königlichem Stammen auß Sclauonien ge-
boren / speiset alle tag zwölff arme Menschen an seinem
Tisch / füret ein strenges leben / schlieff auff der blossen
Erden / het ein Stein für sein Hauptküss / casteyet seinen
leib mit einem härin klaid / auß nur einmal im tag / außge-
nommen an hochzeitlichen Fessen. Er hat den ersten
Vngarischen König Stephanum getaufft / in Behmer-
land vil gepredigt / vnnnd vil Seelen / sonderlich in Poln /
zum

zum rechten Glauben bracht. Ich auch zu den Preussen
gezogen/vnnd hat daselbst das Euangelium nicht allein Anno Dñi
mit predigen/sonder auch mit vil leyden gezeeret/ist auch 990.
daselbst von den Heyden wol sibem mal durchstochen vn
enthauptet / auch drey tag vonn einem Adler bewahret
worden. Seine gute hailige Mitgesellen waren der haili
g Münch Gaudentius sein Bruder / vnnd der Priester
Benedictus.

Item des H. Kenoberti Bischoffs zu Batoca in Nor
mandy / der im leben vnnd wunderwercken fürtrefflich
war/ als er sein Bisshumb 40. jar löblich geregieret/ent
schliess er im Herin/im 120. jar seines alters/wirdt auch
am 16. May gefest.

Item zu Doll inn Lothringen / des H. Bischoffs
vnd Beichtigers Gerardi/der war von Eöln bürtig/vnd Anno Dñi
darnach Bischoff zu Doll gemacht/hat in hailigen wer 963.
cken vnd wunderzaichen den lauff seines lebens volendet.
Ist von dem Papsi Leone/der auch ein Bischoff zu Doll
gewesen/der hailigen zal zugeschriben.

Item zu Erffordt der hailigen Junckfrawen Pu
sinne.

Item zu Senon des H. Bischoffs vnd Beichtigers
Leonis.

Item zu Augspurg die erhebung des H. Bischoffs
vñ Beichtigers Symprechts/ geschehen zur zeit Papsis
Innocentij des 8. vnnd Kayser Friderichs des 3.

Von wellichem Symprecht hernach am
dreyzehen tag Weinmonats
weiter.

Anno Dñi
1492.